

B. N. C.
FIRENZE
1003

7



1003.7

CONFVTATIO
PALINODIÆ
SVB NOMINE
P. HENRICI NORIS
PVBLICATÆ.



CONFESSION
PALINODIE

THE ROMAN
H. HENRICI NORIS
PUBLISHED



ANNIBAL RICCIUS

PHILALETHI. S.

COgor iterum, Lector optime, è spario in scenam prodire, & alteram, vel invito genio, fabulam ludere; siquidem intelligo P. Norisij aduersarios deridiculas rursus strophas necere, dum nouas scriptiunculas illius nomine dolosa arte in crustatas, euulgantes, cum inuidiam, tum periculum in dies eidem moliri non cessant. Equidem incunte hoc ipso, qui nuper exijt, anno 1676. Norisium veluti omnium hæreseon recoctorem per summam calumniam traduxerant. Dein apud publicos Magistratus nouam accusationē vrgebāt, quod idem sacræ eique singulari nobilissimæ prouinciæ dignitati iniurius fuisset; quippe qui illam à schismate deriuatā contenderit. Postea quibusdam propositionibus parallelis inductis, eundem apud Eminentiis. Patres, qui Catholicæ fidei sacræ testæ seruant, præsidet, detulerunt, quod Michaelis Baij errores suis in libris recuderet. Sed ne utiquā hic steterit aduersariorū conatus; nam *Germanitates*, ut eorum verbo utar, tota fallendi arte contextas publicarunt, ut illum Iansenio similiter loquutum ostenderent. Verū sacris ac profanis tribunalibus multiplici accusatione fatigatis, quasi Purpuratorum Patrū, quā nudiustertius implorauerant, suspectam fidem haberent, Christum Dominum iudicem appellarunt, hunc planè titulum accusationis libello præfigentes: D. N. IESV CHRISTO CRUCIFIXO; quam delationem fido Humberti Carthusiensis nomine subsignatam, quaquauersum sparsere. Quis autem hominum audaciam non miretur, qui cum per se loqui aut nolint, aut nequeant, quo omnem in accusando pudorem exuant, aliena sibi nomina imponunt, ipsa religiosi silentij claustra irrumpunt, atque Ascetam rigidiori vitæ instituto taciturnitati addictum, tot mendaciorum loquacissimum fingunt, nec verentur ad tremendum CHRISTI tribunal nientito nomine, actot dolis & præstigijs instructos accedere. Etenim in eo scripto rara periodus mendacio immanis est, quemadmodum Norisius satis proluxa apologia, quam Romam misit, luculentissimè demonstrauit, ut ex eiusdem adamicum literis intellexi. Decimus ferè mensis agitur, cum edita à Norisio

hio volumina ad supremum Romanæ Inquisitionis tribunal delata sunt, & adhuc lenta manu censura præmitur. At illi diuturnioris moræ impatientes, Iesu Christi iudicium sollicitant, his planè vocibus ad calcem huncupatoriz epistolæ formidandum mortalibus iudicem Deum compellantes: *Surge Domine, indica causam tuam*. A quo sanè eos audire deceat: *Filij hominum, nolite apte tempus iudicare*. Etenim quæ hos homines intemperiz transuersos agant, ut adeo moleste ferant Romanam censuram in perendinum trahi, ut eo accuratior, quo maturior feratur? Enimverò subridens hæc mihi met non semel insusurraui. Videtis ne quispiam aduersariorum diuini etiam iudicii tarditatem inculans, Norisium oborto collo ad inferos trahat, ac Minoi vel Rhadamantho reum sistat, illud Poetæ vociferans:

Flectere si nequeo superos, Acheronta monebo.

Cum de repente Norisium imperitissimi vulgi iudicio circumuectum video, ac statim nulla quæstione habita, imò vel nulla interrogatione instanti, suos illum sponte errores fateri, ultro neque palinodiam canere, dicta indicia velle, ac venià corà plebe humillimis precib* postulare. Vix oculis meis credidi, cum censuram ac palinodiam Italico idiomate sub Norisij nomine per dolum publicatam inspexi; ut non iam sæculares Magistratus, non sacer Purpuratorum Patrum confessus, non denique Christus ipse, quorum omnium tribunalia appellauerant, sed pictores, lanifici, tonsores, ipsæque mulierculæ legendi tantum gnaræ, cum Norisium suos errores publicè expungentem audiunt, totam aduersarij causam, statim adiudicent. Quod si Principum leges in publicarum tabularum corruptores tam seuerè animaduertunt, haud equidem minori supplicio is puniendus est qui supposititio scripto, vitum ingenuum, ac seueriores Musas colentem, tot mendaciorum portenta, quæ ne quidem somniauit, effutisse commentus est. Verùm quamuis tantæ imposturæ architectus legem Corneliam illudere, & latere mortales iudices possit, ultorem latere non potest Deum. Hæc maligna nocendi arte, hisce dolorum cuniculis, hisce supposititijs scriptiunculis pessima olim capita Hieronymo doctissimo eidemq; sanctissimo Orthodoxi Orbis Doctori insidias instruere, nempe scriptum quoddam sub eiusdem nomine euulgantes, in quo multiplicium errorum palinodiam canere fingebatur. Quindi igitur Norisius isdem planè insidijs impetitus, cum eodem reponat: * *Ego taceo: & literæ non meæ loquuntur contra me*. . . . *Qui hoc ausus est facere, quid aliud non audeat?* Vnus idemque Protens mutatis subinde forinis, longiorem hanc fabulam ludit; cuius sanè insultus generoso potius silentio despiciendi forent, quàm solida responsione confutandi; at ne eorum imposturis quicquam detrimenti veritas patiatur, cogimur tam futilibus strophis retexendis, vnâ & alterâ horam impendendò perde-

re; quod tamen antequam præsto, res mihi paulo altius repetenda est. Nuperus censor propositiones quasdam parallelas concinnarat: conatus demonstrare Norisium in eisdem cum Baio continuisse. Verum manifestam earundem thesium dissonantiam ex P. Macedi scriptis ostendit; hic enim non vno loco easdem propositiones se cum Norisio, & quidem longe à Baiano sensu remotas; defendere affirmaverat. Mirum dictum quanto eum plausu à doctis quibusque mea illa non minus vera, quam ingeniosa defensio excepta est; siquidem docti ac boni illius Senis verba adeo Noris dictis conformia exhibui, ut non interprete, sed Lectore tantum opus esse videatur. At nescio quis homo importunus, & mendax scriptum quoddam furtivis typis excusum, sub nomine P. Noris in vulgus emisit; hoc illi titulo præfixo: *Censura del P. Henrico Noris sopra le risposte raccolte dal P. Annibale Riccio*, in qua quidem opella fingitur Norisius palam denunciare nusquam laudatarum thesium Macedum secum sensisse. Non possum autem non in stomacho ridere, cum bellissimum Censuræ limen ingredior; nam vno & altero verbo se Veritatis litare testatur, qui pura puta mendacia loquitur, ac plebeculæ, ad quam scribit, fucum facit. Porro hæc Norisium loqui mentitur.

Il Mondo letterario baurà forse veduto (an creduto?) ch'il P. Maestro Macedo s'è stato consapevole di quanto nella scrittura delle risposte parallele s'è divulgato; così che ciò in essa s'adduce; s'è costante opinione di quel grand'uomo.

Parcius hoc; non magnus homo qui plurinia scribit.

Optima qui potuit scribere, magnus homo. *E pure comè sono dottrine distantissime dalle sue, così da lui ne anche furono fatte degne d'incchiata.*

Ita quidem omnes, quibus integer oculorum usus est, in laudatis thesibus Macedum Norisio similiter loquentem viderunt. Num cuipiam, cum primum illam consonantiam aspexit, oculi doluerint, nescio. Cum P. Macedus traditam abs se doctrinam, plurimum tertium numero firmaturus, Norisium quoque cum laudis præfatione, tam nobili Scriptorum centuriæ inferuerit, quæ fronte de suis sententijs Norisius scribet: *sono dottrine distantissime dalle sue?* Videtis quam lupinæ hallucinationis Macedus insimuletur, quæ Noris diuersa planè sentientem, talem appellauerit. Clamat Macedus tomo 1. Collat. pag. 596. col. 2. v. 9. *Atcedit nouus, & clarus scriptor Noris in suo libro de Historia Pelagiana.* Audin, ut Macedus suo illum lateri adiungit? Cur ergo Norisius Macedum à se remotissimum fingat?

Perche egli dice il contrario nelle proposizioni, che sfacciatamente gli s'impongono, e serbano tre per prova. Una è: Omnia opera infidelium sunt peccata; come io scrivo, & affermo essere di S. Agostino vera, e legittima;

e pure esso nella sua Corina, e nella mente d'Innocentio sostiene che: Non omnia opera infidelium sunt peccata, sed ea tantum, &c. quale anche nella Logichetta si vede contraddittoria alla mia.

Hæc Norisium scribere? Vah putidam imposturam! Ad rationem libri. Hæc ille tradit in Vindicijs Augustinianis, cap. 4. §. 5. pag. 18. v. 10. Respondeo tertio infideles. ALIQUOS actus bonos eliciere, ad quos & propter moventur, qui profecto peccata esse non possunt. Transit hæc disord. 3. Doctor cap. 24. de gratia Christi; ubi recitato illo Scripturæ sacra de Assueri mutatione testamento. &c. Baius verò nullos actus bonos ex Dei gratia ab infidelibus fieri volebat. Næ ille affirmat, omnia opera infidelium esse peccata, qui palam pronunciat infideles aliquos actus bonos eliciere, qui peccata esse non possunt? Adeat calumniator suam, quam appellat. Logiculam, ac videat num hæc duæ propositiones, infideles aliquos actus bonos eliciunt, quæ Noris est; & altera Baij, infideles nullos actus bonos eliciunt, sint contradictoriæ. Quod si neget, non ad Petri Hispani summas, sed ad Anticyras mittendus est. Verum adeo manifesta est illarum Norisio calumniarum falsitas, ut Lectorem tui patientia abuterer, tum etiam oculis diffiderem, si eandem pluribus cōfutarem. Sed iterum quæ sua eidem somnia affingat, audiamus.

L'altra: Omne quod non est ex fide peccatum est; quale sostengo essere propositione di S. Agostino, e l'intendo vera per la fede Cristiana abituale, e lui intende di qualche parlume di fede eccitante, e transiente.

Conchas facilius à scopulo, quam Norisium ea in sententia à Macedo diueller. Cum vir eruditus pag. 597. col. 1. dixisset expositionem S. Augustini in illa Apostoli Rom. 14. Omne quod non est ex fide, peccatum est, erroris à nonnullis audacioribus appellari, Remitto, inquit, Lectorem ad eruditissimum Patrem Henricum Noris, qui in ea quam superius laudavi Theologica Historia in Vind. Augusti. cap. 4. §. 5. euidenter ostendit eam esse Ecclesie, Pontificum, & Patrum locum illum Pauli de fide prout est virtus Theologica intelligentium. Itaque non modò Noris sententiam probat, verum etiam testatur, ipsum EVIDENTER ostendisse eam Ecclesie ac Patribus probari. Huc te volo. Vel vir insignis putauit laudatam interpretationem à Norisio intelligi de fide per modum actus, vel per modum habitus. Si primum dicas; iam vides Macedum Norisio consentientem; si alterum inalis: Videsis qualem accurato Theologo hallucinationem imponas, qui erroneam Noris explicationem euidenter Ecclesie ac Patribus probatam affirmarit. Enimverò ubique in Norisio scriptis vox habitualis insonuit? Imò tantum abest, ut textum Apostoli de fide Christiana habituali intellexerit, ut disertè cap. 3. §. 4. pag. 46. pronunciauerit: Solam fidem acquisitam sufficere. Estne fides acquisita idem ac fides habitualis insula? Imò hoc est mendacia vendicare, ac Lectoribus suum facere. Pergit impostor.

La terza, che colla necessità possa accoppiarsi la libertà, è con l' esclusione dell' indifferenza, & pertrahendo iori in questo seguita S. Augustino, & fondandosi nel libro imperfetto contro Giuliano; e Macedo nega tale necessità, nè s'è mai persuaso essere, quei libri del S. Padre, anzi come io mantengo, e seguo le interpretazioni di Giansenio, e Baio, così Macedo riprovaudole tutto s'impugna ad esonerar il Santo del sentire con la dottrina loro, e della loro impostura.

Rectè olim Romani patres eloquij exclamauit: *O magna vis veritatis*, qua contra hominum ingenia, calliditatem, solertiam, comaeque fictas omnium insidias facile se per se ipsam defendit. Haud ita potuit impostor miserram hanc scriptiunculam veritatis fuce vestire, & ornare, quin sponte erumperent indicia manifesta, quibus malam artem, ac figmenti artificem in animum proderet, ac falsitatem eo impudentius retegeret, quò imprudensius occultuit. At ne Noris omnem, & frontem, & timorem posuit, ut in media Italia, ore planè infinito diceret: *Mantengo, & seguo le interpretazioni di Giansenio, e di Baio*? Et statim adderet, easdem esse loro imposture? Elinc vir illa pifillò, obtusior, qui interpretationes, quas palam denunciatur esse imposturas, sciens ac volens, & sequatur, & defendat, idque publico etiam scripto testetur, hoc est, læse fidei suo se ore reum publice, ac Vaticana in suum caput fulmina accendat? Patent præstigia, detecta fraus, dolus omnis iam palam est. Num verò Noris in dogmate de libertate non quidem à necessitate, sed tantum à coactione, damnatam iam sententiæ opinionem sequatur, ex hac variusque scriptoris antithesi declaratur.

I A N S E N I V S. N O R I S.

Infideles carent gratia sufficienti ad salutem tum proxima, tum remota, & omnibus principijs eius. Est titulus cap. 11. Lib. 3. de grat. Christi Saluat.

Quamuis infideles rareant auxilio proxime sufficienti, habent tamen quadam auxilia remotiora, unde non patiuntur antecedentem necessitatem peccandi. In Vind. cap. 3. §. 6. pag. 90.

Rursus qua fronte Noris testari auit libros operis imperfecti contra Iulianum à P. Macedo S. Augustino abrogari, ac in apocryphum, quisquiliis detrudi, qui sciat eisdem à S. Martino, & Agathone Romano Ecclesie Pontificibus, & ab œcumenica Synodo VI. S. Doctori deputari? Cur Macedum religiosissimum virum Catholicę Ecclesię iudicio, imò sibi ipsi aduersari affirmet? Etenim toties ille præsertim in Cortina, eisdem libros appellat, eorumque testimonio suas sententias communiat. At bellissimam fabulam prosequamur. Hæc de P. Macedo alieno ore Noris affirmat.

Cbe

Che tanto è, che i suoi sentimenti s'accordino cò i miei nel modo che le dette risposte conchiudono: quanto che lui s'obliga; che ogni volta gli venga dimostrata ne' suoi libri una delle mie proposizioni da lui censurate, e pronata dottrina sua; ne farà publico cartello di retrattatione, detestatione, & abiuratione, in ogni forma solennissima.

Quis Pythius Apollo Macedonici pectoris arcana Norisio reuelauit? Qui nocturni leumures secretiora hominis consilia eidem in aures insusurrarunt? Qui bonus malusque genius absentis Macedi animum indicauit? Num illa fortè ex Tullianis libris de diuinatione intellexit? Hoc scio P. Macedum recitatas propositiones P. Noris testimonio confirmasse. Patente libri, neque olim dicta indicta esse queunt, nullis iam officijs subliniri Lectoribus oculi possunt. Quod scripsit, scripsit. Vno verbo rem conficio. Vel eadem Noris dixit quæ Macedus, vel diuersa. Si eadem; cur hoc neget? Si diuersa, cur illum Macedus laudas? cur Lectores ad illum remittis?

Altera iam scena aperitur; ac Norisius nouam fabulam alienis sociis ornatus ludit.

In verità ch'è questa risoluta deliberazione mi è stata di stimolo acutissimo per imitare l'ingenuità di sì GRAND'huomo, e dar principio à soddisfare il mondo, ch'aspetta qualche mia giusta retrattatione. Onde ben esaminatè le proposizioni del mio libro, e viste quelle sono degne di censura; cominciarò à ristrapparmi dall'impostura di Semipelagianismo al gloriosissimo, e dottissimo S. Vincentio Lirinese.

Hæc est ridicula palinodia, quam ante bienniū quasi Norisij manu exaratam, publicauerant, & quidem iisdem omnino verbis contextam, ut cum nihil noui contra eundem garrare possint, rancidas modò strophas repetant, ac recoctam etiamben reponant. Semipelagianorum sententia fuit, gratiam omnibus offerri, non tamen vniuersis; ac singulis applicari, sedijs vt plurimum dari; qui prius eandem peterent, quærerent, ac pulsarent, ne Deus sine vlla industria, sine studio, sine labore, inactibus atque otiosis sua dona conferre videretur. Vincentius cap. 17. Commonitori, errare dicit asserentes quod magna & specialis ac plane personalis quadam sit Dei gratia, adeo vt sine vlllo labore, sine vlllo studio, sine vlla industria; etiamsi nec petant, nec querant, nec pulsent &c. Vbi specialem Dei gratiam vult esse effectum laboris, studij, ac industrie; quibus petimus, quarimus, ac pulsamus; cum tamen ipsamet gratia specialis & personalis sit causa petendi, querendi, ac pulsandi. At S. Augustini discipuli asserbant, dari hominibus gratiam specialem ac personalem, etiamsi nec peterent, nec quærerent, nec pulsarent; cum ad hoc etiam à Deo infundatur, vt petamus, vt quæramus, vt pulsemus. Quis autem nesciat petere, quærere, ac pulsare fuisse illas relictas ansulas, vel

occasiones, quas Massilienses præmittebant ad hoc vt specialis ac personalis gratiæ donum rationabile iudicaretur? Sed inquit: non addere Vincentium proprijs viribus. Insulse. Putasne Massilienses vnum illud & alterum verbum semper addidisse? Viden, vt Vincentius specialis ac personali gratiæ industriam, laborem, ac studium inuicem opponat, vt illa horum effectus, non autem causa intelligatur? Nullus reapse petit, quærit, aut pulsât, nisi speciali ac personali gratia ad eisdem salutares actus præmoueat; igitur specialis gratia datur, etiam si quis illam non petat, aut quærat, cum ideo detur, vt quærat, ac petat. Si Vincentius Augustini sententiæ adhærebat, cur illud verbum omisit, quo solo à Massiliensium opinione discrepare videretur? Scribebat Vincentius in Prouincia, in qua id temporis docti quique Augustino aduersabantur, præter paucos perfectæ gratiæ intrepidus amatores, teste Prospero in epistola ad S. Doctorem. Vtitur iisdem verbis laboris, studij, atque industriæ; item: quærendi, petendi, ac pulsandi, quæ Massilienses illis in disputationibus inuexerant, ac suæ scholæ propria fecerant: quidni igitur Vincentius eadem repetens, vnus illorum fuisse iure ac merito dicatur? His addatur arguta quidem, sed falsa epistolæ Celestini interpretatio, & non obscurè qua in sententiâ fuerit, apparebit. Pergin arguari,

Anche per altro capo euidente apparisce libero dâ tal sospetto il medesimo Lirinese: perche per opinion anche mia, ei non puote apprendere quell'error, sotto l' Abbate Fausto, auendo io auuta quella sentenza nel lib. 2. cap. 1. t. oue dissi: Cum Abbate Fausto, sub Abbate Fausto, cum concellit Lirinen- sibus.

Didicit eam opinionem, vti scitè vir multæ eruditionis Garnerius notauit, ex libris Cassiani, ex quibus illam ceteri hauserunt. Cum verò Norisius scripsit sub Abbate Fausto Vincentinum Massiliensium sententiæ accessisse, id iuxta vulgarem opinionem dixit; omnes enim putant Commonitorium apud Lirinam scriptum fuisse, quod tamen Noris ibidem negat. Hinc pag. 248. v. 26. hæc ait. *Vincentij sub eodem Fausto Monachi, vt volunt, artem non detexit.* Audin vt volunt? Potuitne clariùs ostendere se iuxta aliorum placitum loqui, quod tamen inferiùs confutat? Vt Norisium antilogiæ insimulent, ea verba supprimunt, quæ omnem contradictionem ab eiusdem scriptis eliminant. Sed en alteram eiusdem antihistoriam.

Essendo che io stesso asserirò quell' epistola di Celestino essere stata approuata, & accettata dal predetto Vincenzo Lirinese nelle Vindie. cap. 8. pag. 42. nel qual luogo scrivendo di queste lettere di Celestino dissi: Idem Vincentius Lirinenſis easdem producit in Commonitorio aduersus prophanas uocū nouitates, easque plurimum commendat. Adunque ciò ch'io altra volta dissi, cioè che il Lirinese abbi estorto il senso di quelle lettere à favor del suo erro-

errore, e contro Prospero, ora dichiao per ritrattato, ramentandomi di quelle parole che seguitano: Qua fronte Vincentius eas sibi fauere literas iactallet, quibus ipsiusmet opiniones condemnabantur? &c. Conosco queste prole per mie, colle quali reuocò ciò che primadi quelle lettere giudicato, e trattato haueuo.

Pape: qualem Norisio Chymaram obijciunt? Vincentius literas Celestini admisit, vt etiam ceteteri Massilienses admiserent. Igitur neutiquam easdem in Augustinianæ sententiæ defensores retorisit: Non vidit Norisius huius coniecutionis necessitatem. Scribitur de Massiliensibus cap. 3. appendicis ad literas Celestini: *Eaque tantummodo sequi, & probare profuerunt, quæ sacratissima beati Apostoli Petri Sedes contra inimicos gratiæ Dei per ministerium Præsulum suorum sanxit, & docuit.* Illi ergo, vt pote viti Catholici, literas Celestini receperunt; verum pro sua ipsorum sententia easdem loqui contestabantur. Hanc chordam mox iterum pulsabo. Ceterum in posteriori textu cum Norisius scripsit: *Qua fronte Vincentius eas sibi fauere literas iactasset, quibus ipsiusmet opiniones condemnabantur?* negat opinionem Vincentij ac sociorum damnatam fuisse à Celestino: quippe qui haud illius appendicis author sit, sed hæc Celestini literis assuta fuit. Dum verò ait *ipsiusmet*, nempe Vincentij, opiniones condemnabantur, ea quæ antea scripserat, expungit? Imò discretè ac luculenter errorem Vincentij designat, asserens in illa appendice ipsius opiniones condemnari. Et quidem cur Norisius palinodiam caperet, cum videat viros doctrina & eruditione illustres, suæ ipsius sententiæ albos calculos adijcere, & eandem suis libris inserere? Hæc scribit Pater Paschasius Quænellus Presbyter Oratorij Parisiensis dissert. 3. par. 2. Operum S. Leonis pag. 397. Si pro parte vel appendice literarum Celestini Papa habitæ tunc essent eiusmodi capitula, itane pudorem omnem abiiecisset Vincentius Lirinensis, vt pro se suisque scriptum esse à Celestino in illis literis tam grandæ tuba personaret, vt fecit in suo Communitorio? qui enim ausus est nouitatis, notam Augustini aduersarij à Celestino inustam, in S. Doctoris discipulos reijcere; veritus esset, ne tam apertis definitionibus capitulorum, quibus suorum Massiliensium, & Lirinensium errores sapius proscribebantur, reuinceretur, ac impudentis argueretur mendacij. Hæc vitæ eruditissimus in litoras miserat, antequam Norisij librum euolueret; nam ibidem pag. 417. His, inquit, ita scriptis, iamiamque prælo subiiciendis incidi in Vindicias Augustinianas doctissimi viri Henrici de Noris, ex quarum cap. 8. plurima scitè sincerèque scripta huc transferenda essent, sed quoniam instant opera, sufficiat, locum indicasse, quem adijse Lectorem nequiquam pœnitebit. Abeat igitur impollor cum ficta sua palinodia, eamque in suorum grege crepet, quandoquidem tanta illum mentiri portenta delectat. Sed iterum commutatut.

Non posso non rinuocare con piena retrattatione quelle quattro grauissime ingiurie da me con più passione, che verità inserite a S. Vincenzo Lirinese, quale se fossero vere mostrerebbero essere ingiusta la di lui cännizzazione. La prima: che sia bersaglio del suo Commonitorio la fama di S. Agostino, contro il quale egli lo scrisse.

Nugas ac geras germanas loquitur; quatuor crimina fingit, quæ nulla sunt. Hoc tibi familiare, idque turpissimum crimen est, tua somnia ac imposturas alteri affricare. Quò pressius, ac breuius aduersarij dictum refellam, libeat hunc syllogismum inducere. Antiqua tantum dogmata defendenda ac tradenda sunt, noua verò fugienda; atqui Augustini sententia de efficaci Dei prædestinatione ad fidem, & perseverantiam finalem, est nouum dogma, hoc igitur cuique fugiendum est. Ita planè Massilienses ratiocinabantur, quibus minor illà propositio certa erat; vnde Prosper scribit ad Augustinum: Multi ergo seruorum Christi, qui in Massiliensi vrbe consistunt, in sanctitatis tuæ scriptis, quæ aduersus Pelagianos hæreticos condidisti, contrarium putant Patrum opinioni, & Ecclesiastico sensui, quicquid in eis de vocatione electorum secundum Dei propositum disputasti. Et versus finem: Illud etiam qualiter diluatur, quasumus, patienter insipientiam nostram ferendo demonstres, quòd retractatis Priorum de hac re opinionibus, penè omnium par inuenitur & vna sententia, quæ propositum & prædestinationem Dei secundum præscientiam receperunt. Idem scripsit id etiam temporis Hilarius ad eundem S. Doctorem: Hoc etiam, inquit, de aliorum libris, quorum est in Ecclesia authoritas, faciunt, quod perspicit sanctitas tua non parum posse iuuare contradictores, nisi maiora, aut eorum paria proferantur a nobis. Non enim ignorat prudentissima pietas tua, quanto plures sint in Ecclesia, qui authoritate nominum in sententia teneantur, aut à sententia transferantur. Quibus S. Pater cap. 14. de prædest. S. S. rescripsit. Si huius ergo sententiæ defensionem ex diuinorum eloquiorum nos præcedentibus Fratratioribus promerem; præfetto hi fratres, pro quibus nunc agimus, acquiescerent, hoc enim significastis literis vestris. Quid igitur opus est, ut eorum scrutemur opuscula, qui priusquam ista hæresis oriretur, non habuerunt necessitatem in hac difficili ad soluendum questione versari, quod procul dubio facerent, si respondere talibus cogrentur? Idem tamen cap. 19. de dono perseverantiæ, inductis Cypriani, Nazianzeni, ac Ambrosij testimonij, suam sententiæ confirmat. Itaque Massilienses certò sibi persuaferant, nouam esse Augustini sententiæ, nec quicquam secus opponere sciebant Prosper, Hilarius, ac pauci id temporis S. Augustini discipuli. Hinc factum est, ut Vincentius maiorem adducti syllogismi propositionem probandam assumpserit, quod non minori eruditione, quam elegantia præstitit in Commonitorio, in quo S. Augustini sententiæ neutiquam oppugnauit, quæ quòd vera erat, antiquissima etiam habenda est, quam-

uis compertum non sit, Sanctum illum virum eo tantum consilio scripsisse, ut suo illo volumine Augustinianæ sententiæ nouitatem oblique pulset. Hinc prudenter Norisius scripsit eo loci pag. 230. ver. 12. cum Augustini FORTASSE doctrinam de prædestinatione, veluti per cuniculos eo opusculo subruere tentaret. Nec tamen S. Doctoris famam impetiuit; alias Augustinus, dum aduersus S. Cypriani opinionem tot doctissimis voluminibus confligit, Sanctissimi Martyris famæ iniurius fuisse diceretur.

La seconda: Che habbi ingiuriati con titolo d'Eretici i discepoli del mio Santo medesimo, e censurata d'eretica la dottrina inespugnabile dello stesso.

Scribit Prosper in laudata epistola putasse Massilienses sub hoc prædestinationis nomine, fatalem quandam induci necessitatem. Hinc hæreses notam illam opinionem defendentibus impingebant. Hoc pluribus idem Prosper testatur in epistola ad Rufinum. Nonne in controuersia de gratia scholæ sibi inuicem aduersæ, sibi mutuo Calvinismum, aut Semipelagianismum obieciunt? Vincentius acerbiorē sanè notam, feruente tamen dissensione, aduersarijs inussit. Quis verò nesciat, quæ censura acerbitate Hieronymus in epistola ad Theophilum, & Cyrillus in litteris ad Atticum, magnum Chrysostomum perstrinxerint? Neutrius tamen sanctitatis amariora dicta nocere, neutrum ex albo Sanctorum expungit. Breuē hanc Sanctissimis viris apologiam donat Baronius ad A. 412. propè finem: *Homines enim illi erant, & humanis passionibus obnoxij.*

*La terza: che aderendo à i Sempelagiani, à fuor loro conuertisse la decreta-
tale di Celestino con deprauarla.*

Cum Celestinus ea in epistola dixisset: *desinat, si ita res sunt, incesse-
re nonitas vetustatem*, nihil interim circa agitatam id temporis controuersiam definiens, Vincentius argutè suis illam epistolam fauorabilem pronunciauit, quippe qui antiquorum Patrum sententiam aduersus nouam, ut putabant, Augustini opinionem defendebant. Detur id eiusdem erga Apostolicam Sedem reuerentiæ, cui quantum etiam ceteri Massilienses deferrent, ex capite tertio appendicis eiusdem litteris additæ, proximè obseruabam. Cum Alexander VII. in litigijs de attritione, litteras Apostolicas publicasset, Christianam in disputando modestiam iniungens, nihilne ea de re interim definiens, vtraque disputantium factio cum oppositæ præiudicio, laudatas litteras sibi fauere iactabat: quod ex libellis acutissimi viri Francisci Faruacques Augustiniani Doctoris Louanien-
sis, & P. Maximiliani Le-Dent Iesuitæ intelligitur. Porrò Vincentium memoratas Celestini litteras contra Prosperum retorsisse tradunt viri insignes, qui etiam inter homines ambulant, Lupus, Frassenius, ac Quesselus, uti postea monstrabitur, nec fictiti illius criminis, cuius palinodia Norisio imperatur, scrupulus illorum quempiam incedit.

La quarta: Che habbino hauuto origine dal di lui santissimo, e modestissimo ingegno i portentosi paradossi intitulati Obiectiones Vincentianæ, ordite contro la riputazione della dottrina di S. Agostino.

Audiantur Louanienſes tom. 7. Operum S. Doctōris, in appendice, vbi hæc obiectionibus Vincentianis præmittunt. Sunt qui arbitrentur Vincentium hunc Lirinensem illum fuisse, cuius extat opusculum aduersus prophanas omnium hærescon nouitates: certè hoc tempore in Gallijs floruit. Ante centum ferè annos eruditis hominibus ea sententia lletit, cui non modò Louanienſes nullam notam inussere, verùm etiam eandem addita temporis circumstantia, confirmarunt. Illæ obiectiones à Scholasticis illationes ad impossibile appellantur, in quas ex prioris assertionis consecutione, quis eò adigitur, vt earundem absurditate deterritus, à semel concepta opinione resiliat. Et quidem data duplici sententia S. Augustini de efficaci prædestinatione ad gloriam, ac reprobatione ex præuiso peccato originali, nonne plurimi Recentiorum Vincentianas obiectiones contra, vtramque memoratam sententiam restaurant, quin tamen vllam se iniuriam Augustino inferre arbitrentur? Vincentij factum nulli reprehensionis obnoxium fuit; siquidem ea scripsit vix mortuo ante quadriennium S. Doctore, cum passim vna, & altera eiusdem sententia in Prouincia à viris sanctitate ac doctrina illustribus impugnarentur, nec vllius Pontificis, aut Synodi decretis confirmatæ fuissent, vti postea factum est. Et quidem quæ errorum portenta Prædeterminantes, ac scientiæ medic defensores non sibi inuicem obijciunt? Id verò eorundem pietati, ac sanctimoniz, modò absint sales ac scommata, neutiquam nocet. Vtraque tamen schola procul se ab obiectis erroribus proficitur, quos etiam à S. Augustini sententia Prosper non minùs solidè, quàm sapienter remouit. Quis autem à risu temperet, dum videt istos homines fingere tot crimina à Norisio Vincentio impaſta fuisse, illumque sera tandem penitentia ductum, eadem vna litura delere. Tantam alienæ conscientiæ scrupulosiores isti curam gerunt, cum tamen haud religioni ducant suppositicia scripta vulgare, publicè mentiri, ac aliorum dicta, vti mox declarabo, dolosa arte corrumpere. Ita dum hac ficta palinodia Norisij crimina eluere mentiuntur, imposturis, dolis, ac fallacijs turpem operam nauant, & aliena quæ fingunt, etimina corrigentes, veris istque turpissimis noxis obstringunt, quarum vtinam priuatam saltem in sacra exomologesi palinodiam recitent, qui publicam alijs imponunt. Sed quid insuper noui serat Africa, videamus.

Ne'l mio fondamento di liberar il medesimo Vincenzo dalla nota d'Eresia Semipelagiana, perche in quel tempo non fosse condannata, puole sussistere, hauend'io detto lib. 2. Hist. Pelag. pag. 237. Celestinus S. Augustini iam inter superos so Pontifice relati, primus Romanorum Præsulum doctrinam

nam consecrauit, *che vale tanto come dichiararla Cattolica, e di canonica autorità, e nel medesimo libro pag. 237.* Celestinus Apostolica auctoritate aduersus Semipelagianos Augustini doctrinam defendit.

Quis hunc verborum prodigum non fateatur, qui ne rogatus quidem, tanta Norisi vice, sibi suisque simillimis occinit. Norisius cum scriberet Celestinum S. Augustini doctrinam commendasse, *consecrandi verbo usus est, ut ea voce Apostolici oris maiestatem exprimeret; qua ratione antiquitus ea cuncta, quæ ad Imperatores spectabant, sacra dicebantur; unde sacræ largitiones, sacræ cognitiones, sacrum consistorium, & ipsa epistola per autonomasiam sacra appellabatur.* Neutiquam verò dixit *consecrasse*, hoc est, inter dogmata Catholica fidei retulisse; vnde & in altero testimonio adducto scripsit: *doctrinam defendit.* Certè declarauit S. Augustini doctrinam nulli contra fidem errori obnoxiam esse. Verùm Massilienses, teste Prospero in eadem libri contra Collatorem, tale Pontificium encomium prioribus S. Doctoris libris, non ijs, quos vltima ætate elucubrauerat, delatum fuisse contendebant. Vincentius verò antiqua dogmata à Patribus accepta, à Celestino laudata affirmavit; vnde et solum ratione Augustini doctrina laudatam contendit, quatenus ceterorum Patrum sententijs conformis apparebat; in illam verò opinionem, quam de efficaci prædestinatione ad fidem, & perseverantiam nouam inuenerat, Celestini elogium non cadere. Falsæ quidem interpretationes; sed quæ Massilienses Catholicos fuisse demonstrent; quippe qui non ausi Romanæ Sedis dictis obistere, eadem quæsitis utcumque interpretamentis explicare conabantur.

Onde S. Prospero *che prima chiamaua Cattolici i Semipelagiani, doppo d'hauer impetrate le lettere di Celestino, mutò lo stile, chiamandoli Lupi, Calunniatori, Ipocriti, Colubri, Serpenti, &c.* Non è dunque vero che la dottrina di S. Agostino non sia stata approuata da Celestino, e la contraria Semipelagiana condannata.

Prosperum appellasti, ad Prosperum ibis. Sedeat ille vtriusque nostrum honorarius arbiter, ac sententiam in causa ferat: Hæc ille scribit in epilogo operis contra Cassianum de Massiliensibus, quos vulgò Semipelagianos vocamus: *Quorum tamen dum adhuc non sunt à fraterna societate diuisi, toleranda magis est intentio, quam desperanda correctio.* Addit hoc scholion Baronius A. 433. Hæc Prosperum perorat: quibus intelligis Cassianum inter Catholicos professores adnumeratum. Consentit Suarez proleg. 5. de grat. cap. 5. num. 6. Nondum enimerat, inquit, illa sententia hæresis vel erroris damnata ab Ecclesia, ut Prosper in fine libri contra Collatorem aperte docet, Cassianumque inter Catholicos numerat. Hinc Valquez 1. p. disp. 89. cap. 4. num. 24. vocat Semipelagianos viros aliqui Catholicos & religiosos. Sed ad Prosperum redeo. Idem cap. 33. scribit: *Quis hæc*

pradicari à Catholicis inter Catholicos crederet. Porro cum illa Prosper in literas misit, diem obierat Celestinus, cum ibidem Sixtus eiusdem successor a Prospero commendetur. Quòd si illos Lupos occultos, calumniatores, & hypocritas dixit, eiusmodi verba zelus Augustinianæ doctrinæ inter disputandum extorsit; quo enim maiori erga aliquem benevolentia propensum sumus, eo seuerius excipimus qui contra eundem loquuntur. Fateor Augustinum dixisse Massilienses non recedere ab illa damnata Pelagij sententia: Gratiam Dei secundum merita nostra dari. Lib. de prædest. SS. cap. 2. At illi reponebant Pelagium adinuisse merita perfecta & de condigno, se tantum occasiones quasdam, & ansulas, quæ ex nobis erumpentibus, utebatur Deus, ne ansatis & omnino otiosis sua dona, conferre videretur. Scitè P. Macedus in Scriptorio cap. 12. pag. 193. Nec satis, inquit, erit effugio dicere illos posuisse meritum & initium meriti in natura; nam imprimis id Semipelagiani dicere se negabant. Quamvis verò S. Doctor id responsi egregie confutavit, nil tamen ea in causa Celestinus definiuit; alias Prosper numquàm Massilienses appellasset Catholicos. Scribit Vasquez t. p. disp. 91. cap. 9. num. 57. Neque incredibile alicui videatur Patres Græcos tanta auctoritatis & doctrinæ in hac fuisse sententia; siquidem Massilienses, & per Galliam tot etiam insignes viri in eadem opinione fuerunt. Res enim admodum subtilis & difficilis erat ad explicandum, donec Augustinus ingenij sui felicitate, ut multa alia, eam nobis explicuit. Imò ipse Augustinus cap. 3. de prædest. SS. ingenuè fatetur, se adhuc Presbyterum, in errore Massiliensium fuisse. Vasquez laudatus caput 10. his planè verbis inchoat: Cum Cassiano & Massiliensibus non pauci Scholastici conveniant. Et nominat statim Scotum, Gabrielem, Caietanium, Durandum, Sotum, Driedonem, Ruardum, & alios. Sed talionem passus est; nam Suarez lib. 4. de gratia cap. 14. recitata Vasquij opinione de cogitatione congrua naturali num. 8. concludit: non videtur per illum dicendum convenienter fieri satis difficultati. propositæ, nec sufficienter vitari Semipelagianorum doctrina. Quæ consultò hic recitavi, non solum ut appareat viros doctissimos in Massiliensium errorem vel impegisse, vel magni nominis Theologos id saltem de ipsdè iudicasse, ut planè excusandi videantur Catjanus, Pautus, Vincentius, alijque Galliarum Doctores, qui initio motæ difficillimæ controuersie cespitarunt, cum post tot secula viri celeberrimi in eodem luto hædere visi fuerint; verum etià ut pareat, quàm immeritò Norisius carpatur, quòd scripsit Sadoletum incautè & inscienter in Massiliensium errorem impegisse. At impositor grandiores tibias inflans, ac Norisianam palinodiam vehementiori boatu crepans, addit.

Per fine la mia opinione contraddice manifestamente al Martirologio Romano, dove alli 24. di Maggio sà questo elogio di S. Vincenzo Lirinese: Doctrina & sanctitate conspicuus, ch'essendo vero non potena essere Semipelagiana, ne

meo far chiaro, e conspicuo il medesimo Santo, anzi denigrarlo, & oscurarlo.

Beilissumè. Diui Cypriani martyris sanctitate & doctrina clarissimi elo-
gium recitat Martyrologium Romanum. Nullum igitur Cypriani do-
ctrina lucis defectum passa est, cum rebaptizandos hæreticos tanto co-
natu contendit? Breue quidem, sed solidum à Melchiorre Cano respon-
sum accipe, quod prolixæ apologiæ loco sit. Ceteroqui nemo quauis eru-
ditus & sanctus non interdum hallucinatur, non alicubi cecidit, non alicubi
labitur. Sanctus verò is fuit, qui credidit ab hæreticis baptizatos, esse reba-
ptizandos. Sanctus qui in Christi corpore & sensum pœna & dolorum fuisse
negauit. Sanctus fuit qui in Chiliastrarum dogma descendit. Sanctus fuit qui
viro ob adulteri culpam uxorem repudianti, alterum matrimonium concessit,
Sanctus fuit qui animas piorum vsque ad diem iudicii veram felicitatem ade-
mit. Sanctus fuit qui animum hominis ex traduce esse putauit &c. Hæc vir
doctissimus lib. 7. de locis Theol. cap. 3. Nonne Mathiæ S. Cassiani festû
solemni pompa die 23. Iulij celebratur? Nonne S. Fausti Episcopi apud
Reios, extructo templo, memoria consecrata est; qui duo tamen tuere,
semipelagianæ Scholæ Magistri? Professò doctrina Commonitorij S. Vin-
centij nomen illustrat; Catholicæ fidei traditionem, & acceptam a Patri-
bus doctrinam, antiqua tantum dogmata recipienda esse demonstrat,
profanas verò vocat nouitates fugiendas. Quæ omnia veritati consona
sunt. At quòd in vno, & altero versu nescio quem lucis defectum subie-
rit, in re adhuc obscura, ac nondum per Apostolicam Sedem in Catho-
lico lumine collocata, cum tamen in ceteris nitidissimos veræ doctrinæ
radios quaqua uersum diffundat, humanæ conditioni condonandum est.
Agedum, etne aliud quidpiam, quod Norisius indictum velit?

*Confesso ingenuamente la verità che all' hora stampai non hauendo altro
autore da seguitare che il Vossio. Dipoi che son stato impugnato dal Macedo;
ricercai altri autori Cattolici, e ritrouai il P. Lupo, & il P. Frassen tran-
cescano. Mà il primo per favorirmi approuò la mia opinione, e il secondo so-
lamente dice: videtur adhuc lisse. C'è vn altro di più Basilio Pontio; ma non
sà forza, perche non nomina Vincenzo Lirinese, e solamente dice; Cassia-
nus, Vicentius, Faustus; onde quel Vincenzo non era Lirinese, ma quell' al-
tro autore delle obietioni chiamato Vincenziane. E' ancora che tutti questi as-
sermassero la mia sentenza; Ibi qui sunt inter tantos &c.*

Dignum patella opusculum. Cum supposititiam hanc palinodiam ex
puris putis mendacijs hucusque contexuerit, triplici mendacio eidem
colophonem imposuit: Patris Lupi volumina A. 1673. ante Paschalia
festa typis excusa prodire; eaque secum in Italiam tulit Illustrissimus
D. Aioldus Pontificius Inter-Nuncius, qui ex Belgio circa Pascha di-
scessit. At Historia Belgiana mense Maio ejusdem anni adhuc Patauinis
typis premebatur. Qui igitur iteri potuit, vt eruditissimus P. Lupus ea
de Vin-

de Vincentio como q. pag. 757. inserueris, ut Norisio suffragaretur, cuius librum nondum viderat? Claudius Frassen insignis Scotilla in Academia Scoti tract. 2. disp. 3. sect. 1. §. 2. hæc scribit: *Vincentius Lirinensis videtur etiam adhasisse & fauisse Semipelagianis, conseturque ab aliquibus scriptor obiectioinum Vincensianorum, quibus S. Prosper respondit. Quod etsi cetera taceant, hoc sufficenter euincit, quod eodem modo Celestini Papa epistolam, qua se Catholici tuebantur, aduersus Catholicos usurpare non dubitauerit. Et paulò inferiùs. Virgendo tantopere illud (6) NON OBSERVARE indicat se criminationem Prosperi & Hilarij pro falsa habere. Audin, quid dicat? Testatur Vincentium Celestini epistolam in S. Augustini discipulos retorxisse, ac delationem Prosperi non obscure falsitatis insinualle. Cur ergo officias facis imperitis; ac miserimæ plebi, ad quam scribis, fabulas vendis?*

Sed non minùs putidum mendacium est, quod de corrupto Poncij testimonio commentantur. Nam hic insignis Theologus i. p. Relict. de gratia capito quarto inscripto de errore Semipelagianorum, pag. 40. v. 13. scribit: *Præcipui inter eos fuisse Cassianus, Chrysostomi discipulus, & à quo suos errores de gratia didicisse existimant nonnulli, sed falso, ut ostendam postea, & Vincentius Lyrinensis, & Faustus Regiensis.* En ipsissima Basilij Poncij verba; qui Vincentium Lirinensem Matiliensibus accenset, ac *Lyrinensem* cum yctere. Callidè quidem, sed sursum impotituris factis accommodè pseudo-palindromiam Italicè scriptam publicauerunt. Quis enim è plebe appellata à Norisio testimonia repetat? Hinc fingunt eadem à Norisio corrupta, cum huius planè criminis illi rei conuincantur. At quid promptam horum ad mentiendum audaciam miremur? Nam longè illis facilius fuit vnum verbum textui Poncij subtrahere, quàm tot verba Norisio per dolum appingere. Inauditus hercè facinus moliti sunt; nusquam enim accepimus quempiam adducta à semet in sui defensionem testimonia, & quidem suæ causæ validissimè suffragantia, abiectisse. Id tamen stoliditatis Norisio affricant, qui locupletissima ac certissima Frassenij ac Poncij testimonia, dudum à se in iudicio aduersus accusatorum calumnias appellata, non solum repudiavit, sed etiam, ne sibi patrocinari viderentur, stultè corruerit. Verùm duo insuper testes audiendi sunt. Ioannes Garnerius Iesuita in notis ad Marium Mercatorem dilletor. de Auctoribus hæreseos Pelagianæ cap. 6. pag. 150. col. 2. confutans doctissimi Vignierij opinionem, scilicet Faustum Abbatem Lirinensem tum primùm errores Semipelagianos sorbuisse, cum Iulianus Pelagianorum antesignanus A. 440. Italia pulsus, in Lirinum se recepit, hæc scribit: *Deinde si qua Pelagiani erroris fuligo Lirinensibus adhasit, UT ADHÆSIT SANE, ea cerè non ex Iuliani, sed ex Cassiani societate, & multis quidem ante annis, ut ex Commonitorio Vincentij intelligitur, afflata est.*

est. Ita vir eruditus in Commonitorio, quod A. 434. à Vincentio scriptum fuit, Semipelagianismi notas aduertit. Huic suppar accessit P. Paschasius Quæfnellus p. 2. Operum S. Leonis Magni dissert. 3. num. 5. pag. 410. *Vincentius*, inquit, *Lirinenfis clarissima etiam Cælestini Papa pro Augustino verba ex epistola ad Gallos, non dubitauit S. Doctoris defensoribus obijcere, tanquam contra eum emissa à Pontifice: qui dum scripsit: vt desinât inceslere nouitas vetustatem, Augustinum tanquam nouitatis inuentorem arguerit, &c.* Huius Scriptoris testimonium Norisius Antonio Magliabeco, viro omni eruditionis genere insigni, ac toto literario Orbe celeberrimo, se acceptum ferre testatus est in epistola ad P. Iacobum Florellum Venetum, spectatæ probitatis ac doctrinæ Theologum, meumque inter paucos amicum. At inquit inquit: *Isti qui sunt inter tantos?* Scito non esse fungos, aut truncos, sed scriptores doctos, & eruditos, quorum postremo laudati, egregiè in Pelagianorum rebus versati sunt, quibus etiam magnus homo, honoris gratia, allurgat. Scito esse testes ingenuos, ac procul ab omni partium studio remotos. Scito horum quatuor adhuc superstitibus esse, eisque tum ingenium, tum stylum superesse ad ea quæ meo Norisio similia scribere, defendenda. Haud opus est mitti in præteritum diligentiam curiosam; cum intra proximè elapsum triennium quinque insignes scriptores in eandem de Vincentio Lirinenfi sententiam conspirarint. I nunc, & Norisium tot licet locupletissimorum telium præsidio suffultum, pannico tamen timore percussum, palinodiam canere tibi met fragito, eamque extra sapientium chorum, apud ignauam rudemque plebeculam Italica lingua, præ largo anhelante pulmone, ad rauum tanta ac recantat: imò per me etiani crepa.

Sic cuculus cuculat, frtinit rānea cicada.

Ex his fati superque, Lector optime, intelligis quantas hic mendacissimus fictæ palinodiz artifex insidia fecerit; in quo pudorem ac conscientiam, imò etiam mentem desideres; dum retractationem fabularetur, vsque ad derisum & ineptiam, Norisio impôsuit. Equidem nescio quo malo fato hic Scriptor in eiusmodi genus hominum inciderit, quos tanta contra illum inuidia mordet, vt cum eandem per biennium innumeris scriptiunculis haudquaquam exhalare potuerint, ipsummet censorias sibi manus inferentem inducunt, vt idem, quem tot hucusq; qua occultis, qua apertis conatibus deijcere pertentauerunt, sua ipsius dextera cadere videatur. Iam profana tribunalia adierant; iam sacros iudices repetitis accusationibus fatigauerant; iam formidandum mortalibus CHRISTI iudicium appellauerant; sed cum nusquam sibi causa adiudicaretur, proximam & compendariam ad eandem obtinendam, viam inire destinarunt: hanc ipsam, quam consutauit, palinodiam sub Henrici Noris nomine vatre ac malitiosè publicantes. Quotusquisque enim est, qui non

statim

statim reum esse illum iudicet, qui vltro nea criminis confessione, vel si-
lente iudice, in semet sententiam pronunciat? Imò eo consilio supposi-
titiā illam retractationem Italico idiomate concinnarunt, vt plebsius
cuique intelligeret Norisum tota planè causa cecidisse, ac dein contra
cundem plebsiſcitum conderetur, in quo ipsi postea plebscium, quem
vnice aucupantur, triumphum canerent. Porro ad aniles hæcæ nugæ
miseri homines descenderent, cum ægrè ac molestè ferrent Norisij libros
per manus oraque hominum volitare, eorumq; iam latius inualescentem
famam in remotiores literarij Orbis plagas extendi, nec vlla adhuc cen-
sura publica coerceri. Enimuerò cū Noris volumina apud sacrum Roma-
næ Inquisitionis tribunal accusauerint, cur Romanæ censuræ exitum
taciti interim ac quieti non opperitur? cur tot subinde accusationibus
terræ, cœlique tribunalia pulsant? cur tantam chartæ ac pecuniæ in eden-
dis tot libellis, tot pagellis, quæ thuris ac piperis sint cuculli, iacturam
faciunt, & stridulos Reuerendi illius quem honoris, ac humanitatis gra-
tia non indigito, typos obtundunt? Equidem pol credo Norisum ea
mente compositum esse, vt plurimum S. R. E. pietati se debere intelli-
gat, quæ innumeris Orthodoxi Orbis curis districta, editi ab ipso volumi-
nis correctionem in minimam earundem partem asciuerit. Profectò
summæ eidem gloriæ vertetur, Romanæ Ecclesiæ magisterio didicisse,
ac errores, in quos incautus fortè decidit, Pontificio oraculo præmonen-
te, cognuisse. Necet virum, qui doctrina æquè ac vitæ instituto Augu-
stinianus & esse & haberi velit, eximium Doctorum summi erga Apolto-
licam Sedem obsequium imitari. Nam cum Augustinus quatuor contra
Pelagianos libros Bonifacio Pontifici nuncuparet, hæc, inquit, quæ istis
vt dixi, duabus epistolis illorum ista disputatione respondeo, ad tuam potissi-
mum dirigere sanctitatem, non tam discenda, quàm examinanda, & vbi for-
san aliquid displicuerit, emendanda constitui. Itaque Norisius & modera-
tè & prudenter se gerit, dum ad Romani iudicii exitum, nequicquam
b. i. barthe aduersario, vocem suspendit, ac post siparium silet; quamuis
illum Momus annosus, pannosus, clamorosus, in alieno focco minum in-
scena ludere, ac insulsem ineptissimæ palmodiæ fabellam coram plebe re-
citare comminiscatur.

Handwritten text, likely bleed-through from the reverse side of the page. The text is mirrored and mostly illegible due to fading and the nature of the document.

MC

